

# ԿՈՐՊՈՐԱՏԻՎ ԿԱՌԱՎԱՐՄԱՆ ԳՆԱՀԱՏՄԱՆ ԹԵՐԹԻԿ

---

## ՈՒՂԵՑՈՒՅՑ

2026

# ԿՈՐՊՈՐԱՏԻՎ ԿԱՌԱՎԱՐՄԱՆ ԳՆԱՀԱՏՄԱՆ ԹԵՐԹԻԿ

## ՈՒՂԵՑՈՒՅՑ

**Կորպորատիվ կառավարման գնահատման թերթիկը** մշակվել է Կորպորատիվ կառավարման Կենտրոնի կողմից Միջազգային մասնավոր ձեռնարկատիրության կենտրոնի աջակցությամբ Միացյալ Թագավորության (ՄԹ) միջազգային զարգացման շրջանակում՝ ՄԹ կառավարության կողմից ֆինանսավորվող **«Արձագանքելով Հայաստանում քայքայիչ կապիտալի սպառնալիքներին. Փուլ III»** ծրագրով:

Փաստաթղթում արտահայտված կարծիքները պատկանում են նյութի հեղինակներին և հնարավոր է՝ ոչ միշտ համընկնեն ՄԹ կառավարության և Միջազգային մասնավոր ձեռնարկատիրության կենտրոնի պաշտոնական քաղաքականությանը կամ պաշտոնական դիրքորոշմանը:

## Ներածություն

ՀՀ կորպորատիվ կառավարման կանոնագրքի ([Կանոնագիրք](#)) կիրառման առաջընթացը գնահատելու նպատակով Կորպորատիվ կառավարման Կենտրոնը մշակել է «Կորպորատիվ կառավարման գնահատման թերթիկ» փաստաթուղթը (Corporate Governance ScoreCard, այսուհետ՝ «Սքորքարդ»):

Սքորքարդը քանակական, վերլուծական գործիք է, որն օգտագործվում է կորպորատիվ կառավարման որակը գնահատելու համար: Այն կազմակերպության կորպորատիվ կառավարման պրակտիկան համեմատում է որոշակի հենանիշի (benchmark) հետ: Որպես նման հենանիշ սովորաբար կիրառվում են ազգային/երկրի կորպորատիվ կառավարման կանոնագիրքը կամ կորպորատիվ կառավարման միջազգային սկզբունքները, օրինակ՝ G20/SՀԶԿ կորպորատիվ կառավարման սկզբունքները:

Սքորքարդի հիմնական նպատակը ոչ թե իրավական համապատասխանության, այլ կորպորատիվ կառավարման ավելի բարձր չափորոշիչներին հետևելու կազմակերպության գործելաոճի գնահատումն է:

Ընդհանուր առմամբ, Սքորքարդը թույլ է տալիս՝

- ❖ գնահատել կազմակերպության կառավարման գործելաոճը և հետևել դրա զարգացումներին կամ թերացումներին,
- ❖ համեմատել միևնույն խմբի տարբեր կազմակերպությունների (օրինակ՝ ցուցակված ընկերությունների, ֆինանսական կազմակերպությունների, ՊՄԸ-ների) կորպորատիվ կառավարման ոլորտում գրանցած արդյունքները,
- ❖ համեմատել տարբեր ոլորտների կազմակերպությունների, երկրների կորպորատիվ կառավարման փորձն ու գործելաոճը:

### Մակրո (շուկա) և միկրո (կազմակերպություններ) մակարդակներում Սքորքարդի հիմնական նպատակները

Մակրո մակարդակ	Միկրո մակարդակ
<ul style="list-style-type: none"> <li>❖ ներդրումային միջավայրի բարելավմանը նպաստում</li> <li>❖ անվտանգ և արդյունավետ կապիտալի շուկայի ձևավորմանն աջակցում</li> <li>❖ կորպորատիվ կառավարման կանոնագրքի կամ կորպորատիվ</li> </ul>	<ul style="list-style-type: none"> <li>❖ կառավարման համակարգի թերությունների կամ համակարգը զարգացնելու ներուժ ունեցող բաղադրիչների բացահայտմանն աջակցում</li> <li>❖ կառավարման համակարգի բարելավման ուղիների նախանշում</li> </ul>

կառավարման չափորոշիչների խթանում	միջազգային կիրառման	և կորպորատիվ կառավարման զարգացման ծրագրի մշակում
❖ կորպորատիվ միջավայրի կատարելագործման, այդ թվում՝ օրենսդրական փոփոխումների համար նախապայմանների ձևավորում	կառավարման շարունակական	❖ կառավարման մարմինների, հատկապես՝ խորհրդի պատասխանատվության մակարդակի բարձրացում
		❖ կորպորատիվ թափանցիկության ու հաշվետվողականության խրախուսում
		❖ ներդրումային գրավչության բարձրացում
		❖ կորպորատիվ հեղինակության ամրապնդում

## Աքորքարդի կիրառումը՝ ըստ շահառուների

Աքորքարդը բազմաֆունկցիոնալ գործիք է և կարող է օգտագործվել տարբեր շահառուների կողմից: Այն կարող է լինել պետական կարգավորման ու վերահսկողության, հանրային վերահսկողության, ինքնակարգավորման գործիք:

<b>Կազմակերպություն</b>	<b>Աքորքարդն ինքնազնահատման գործիք է, որը հնարավորություն է տալիս՝</b>
	<ul style="list-style-type: none"> <li>❖ գնահատել կառավարման համակարգի ներկա վիճակը,</li> <li>❖ բացահայտել ուժեղ և թույլ կողմերը,</li> <li>❖ համեմատվել մրցակիցների կամ շուկայի առաջատար կազմակերպությունների հետ,</li> <li>❖ մշակել կառավարման համակարգի բարելավման ծրագրեր,</li> <li>❖ բարձրացնել ներդրումային գրավչությունը,</li> </ul>

<p><b>Կարգավորող մարմին</b></p>	<ul style="list-style-type: none"> <li>❖ ամրապնդել կորպորատիվ հեղինակությունը:</li> </ul> <p><b>Սքորքարդի միջոցով կարգավորող մարմինը կորպորատիվ կառավարման ոլորտում կարող է վարել փաստահեն քաղաքականություն, այդ թվում՝</b></p> <ul style="list-style-type: none"> <li>❖ գնահատել կորպորատիվ կառավարման չափորոշիչների ներդրման արդյունավետությունը,</li> <li>❖ բացահայտել օրենսդրական և կարգավորման բացերը,</li> <li>❖ հիմնավորել բարեփոխումների անհրաժեշտությունը,</li> <li>❖ հետևել բարեփոխումների արդյունքներին:</li> </ul>
<p><b>Ֆոնդային բորսա</b></p>	<p><b>Լավ կորպորատիվ կառավարումը բնութագրում է կազմակերպության ցածր ռիսկայնությունը, ինչը մեծացնում է ներդրողների հետաքրքրությունը դրա նկատմամբ: Սքորքարդի միջոցով ֆոնդային բորսան կարող է՝</b></p> <ul style="list-style-type: none"> <li>❖ բարձրացնել ցուցակված ընկերությունների կառավարման որակը,</li> <li>❖ բարելավել շուկայի հեղինակությունը,</li> <li>❖ նպաստել տեղական և օտարերկրյա ներդրողների ներգրավմանը,</li> <li>❖ անվանակարգումների կիրառմամբ տարբերակել կառավարման պատշաճ գործելաոճ ունեցող ցուցակված ընկերությունները:</li> </ul>
<p><b>Գործարար միություններ, ասոցիացիաներ, պալատներ</b></p>	<p><b>Գործարար միությունների, ասոցիացիաների, պալատների տեսանկյունից Սքորքարդը դրանց անդամների համար արժեք ձևավորելու գործիք է, որը կարող է օգնել</b></p>

**Չարգացման ֆինանսական  
ինստիտուտներ  
(IFC, EBRD, ADB և այլն)**

**բարելավել անդամների կորպորատիվ  
կառավարման որակը, այդ թվում՝**

- ❖ նպաստել ռազմավարական կառավարմանը,
- ❖ բարձրացնել կորպորատիվ կառավարման վերաբերյալ իրազեկվածությունը,
- ❖ զարգացնել ներքին քաղաքականություններն ու ընթացակարգերը,
- ❖ ուժեղացնել վերահսկողական համակարգերը,
- ❖ բարելավել շահակիցների հետ հարաբերությունները,
- ❖ ապահովել օրենսդրական պահանջների պահպանումը և այլն:

**Չարգացման ֆինանսական ինստիտուտների  
համար Աքորքարդը ֆինանսավորման կամ  
ներդրումային ռիսկերը գնահատելու գործիք  
է, որը կարող է օգտագործվել՝**

- ❖ թիրախային կազմակերպության կառավարման որակը գնահատելու և կառավարման ռիսկերը բացահայտելու,
- ❖ ներդրումային հնարավորությունները համեմատելու,
- ❖ կորպորատիվ կառավարման բարեփոխումները խթանելու,
- ❖ տեղական կարողությունները զարգացնելու,
- ❖ կապիտալի շուկայի զարգացմանը նպաստելու նպատակով:

**Աքորքարդը չի լուծում կորպորատիվ կառավարման խնդիրները: Այն կորպորատիվ կառավարման որակի բարձրացման է, որը կարող է խթանել ոլորտի բարելավումները:**

## Միջազգային փորձ

Ժամանակակից սքորքարդերի հիմքում ընկած է Գերմանիայի ֆինանսական վերլուծության և ակտիվների կառավարման ասոցիացիայի (DVFA) մշակած գնահատման համակարգը, որը նախատեսված է Գերմանիայի ցուցակված ընկերությունների կորպորատիվ կառավարման մակարդակը գնահատելու համար:

2016 թվականից DVFA-ը գնահատում է DAX-ում ցուցակված գերմանական ընկերությունների կառավարման որակը, 2019 թվականից՝ նաև MDAX-ում ցուցակվածներինը, իսկ 2022 թվականին գնահատումն առաջին անգամ ներառել է գերմանական SDAX ընկերությունները:

Գնահատումը կատարվում է ընկերությունների կայքէջերում և դրանց տարեկան ու կայունության հաշվետվություններում հասանելի տեղեկատվության հիման վրա: Ընկերություններին հնարավորություն է տրվում ստուգել գնահատման ճշգրտությունը:

Գնահատման 2025 թվականի ժամանակացույցն է՝

- ❖ **30.06.2025** – գնահատման մեկնարկ
- ❖ **31-րդ շաբաթ** – տեղեկացնող նամակի ուղարկում ընկերությանը
- ❖ **36-րդ շաբաթ** – գնահատման նախնական զեկույցի ուղարկում՝ այն հասցեագրելով IR բաժնին
- ❖ **մինչև 30.09.2025** – գնահատման նախնական զեկույցի վերաբերյալ դիտարկումների տրամադրում ընկերության կողմից
- ❖ **11.11.2025** – գնահատման վերջնական զեկույցի ուղարկում ընկերությանը, եթե վերջինս ներկայացրել է իր դիտարկումները նախնական զեկույցի վերաբերյալ
- ❖ **12.11.2025** – գնահատման վերջնական զեկույցի հրապարակում DVFA կայքում
- ❖ **13.11.2025** – գնահատման արդյունքների ներկայացում DVFA համաժողովում:

## Աքորքարդի կիրառումը Հայաստանում

---

Հայաստանում Աքորքարդի մշակումը պայմանավորված է ՀՀ կորպորատիվ կառավարման կանոնագրքի կիրառումը խթանելու անհրաժեշտությամբ:

Որպես Աքորքարդի հենանիշ ընտրվել է ՀՀ կորպորատիվ կառավարման կանոնագիրքը: Աքորքարդը կրկնում է Կանոնագրքի կառուցվածքը և համապատասխանաբար կազմված է հետևյալ բաժիններից.

1. Մասնակիցների հիմնական իրավունքներ, հավասար վերաբերմունք մասնակիցների նկատմամբ և նշանակալից մասնակիցների պարտականություններ.
2. Խորհուրդ.
3. Ներքին հսկողություն, ռիսկերի կառավարում և ներքին աուդիտ.
4. Տեղեկատվության բացահայտում և թափանցիկություն.
5. Կազմակերպության հարաբերությունները շահակիցների հետ:

Աքորքարդի յուրաքանչյուր բաժին կազմված է ցուցանիշներից, որոնք մշակվել են՝ հաշվի առնելով Կանոնագրքի հիմնարար սկզբունքների և դրանց բացատրությունների հիմքում ընկած տրամաբանությունը:

Ցուցանիշների մշակման համար առաջնորդող սկզբունք է հանդիսացել դրանց չափելիության ապահովումը, որի տակ հասկացվում է ցուցանիշի՝

**Հստակությունը.** ցուցանիշը չի բովանդակում երկիմաստ ձևակերպումներ և տարբեր շահառուների կողմից ընկալվում է նույն կերպ: Ցուցանիշը կարելի է չափել թվով, տոկոսով, հաճախականությամբ և այլ չափանիշներով:

**Օբյեկտիվությունը.** ցուցանիշի գնահատումը չպետք է կախված լինի գնահատողի անձնական մոտեցումներից:

**Ստուգելիությունը.** ցուցանիշի գնահատման համար պետք է գոյություն ունենան հստակ ապացույցներ (փաստաթղթեր, հաշվետվություններ, արձանագրություններ և այլն):

**Համադրելիությունը.** գնահատման արդյունքները պետք է հնարավոր լինի համեմատել այլ կազմակերպությունների կամ նույն կազմակերպության տարբեր ժամանակահատվածների գործելաոճի հետ:

**Վերարտադրելիությունը.** տարբեր գնահատողներ պետք է ստանան նույն արդյունքը:

Աքորքարդի հիմքում ընկած է եռաստիճան գնահատումը, համաձայն որի՝ յուրաքանչյուր ցուցանիշի կատարումը գնահատվում է՝ ներքոնշյալ սանդղակից ընտրելով համապատասխանող գնահատականը.

- ❖ 1-ը լիարժեք համապատասխանությունն է Կանոնագրքի սկզբունքի տրամաբանությանը:
- ❖ 0.5-ը մասնակի համապատասխանությունն է Կանոնագրքի սկզբունքի տրամաբանությանը:
- ❖ 0-ն անհամապատասխանությունն է Կանոնագրքի սկզբունքի տրամաբանությանը:

Կանոնագրքի հիմքում ընկած «Հետևի՛ր կամ բացատրի՛ր» սկզբունքի կիրառման շրջանակներում ներկայացված բացատրությունը ևս ենթակա է գնահատման:

Աքորքարդն ապահովում է կշռված գնահատում, քանի որ ինչպես առանձին բաժիններ, այնպես էլ առանձին ցուցանիշներ կարող են ունենալ ավելի մեծ կարևորություն, քան մյուսները: Կշիռների կիրառումը թույլ է տալիս՝

- ❖ արտացոլել տարբեր բաժինների և ցուցանիշների հարաբերական կարևորությունը,
- ❖ կենտրոնանալ և առաջնահերթ ուշադրություն դարձնել կառավարման առավել առանցքային բաղադրիչների վրա,
- ❖ ստանալ ավելի իրատեսական ընդհանուր գնահատական, քանի որ առանց կշիռների կազմակերպությունը կարող է բարձր գնահատական ստանալ երկրորդական հարցերում հաջողության շնորհիվ, եթե նույնիսկ ունի լուրջ թերություններ կարևոր բաղադրիչներում:

Ցուցանիշներին տրված միավորները տատանվում են 0.5-2 միջակայքում, որտեղ 0.5-ը ամենացածր, իսկ 2-ն ամենաբարձր միավորն է: Ցուցանիշների միավորների փոփոխության քայլը 0.5 է:

Կորպորատիվ կառավարման պրակտիկայի բարելավման տեսանկյունից առավել կարևոր բաժինները ստացել են բարձր կշիռ, իսկ ցուցանիշները՝ բարձր միավոր:

**Բաժինների կշիռները և յուրաքանչյուր բաժնի ցուցանիշներին տրված առավելագույն միավորները**

#	Բաժնի անվանումը	Կշիռը, %	Առավելագույն միավորը
1.	Մասնակիցների հիմնական իրավունքներ, հավասար վերաբերմունք մասնակիցների նկատմամբ և նշանակալից մասնակիցների պարտականություններ	10	20
2.	Խորհուրդ	30	77.5

3.	Ներքին հսկողություն, ռիսկերի կառավարում և ներքին աուդիտ	30	30.5
4.	Տեղեկատվության բացահայտում և թափանցիկություն	15	28.5
5.	Կազմակերպության հարաբերությունները շահակիցների հետ	15	7.5
<b>ԸՆԴԱՄԵՆԸ</b>		<b>100</b>	<b>164</b>

Յուրաքանչյուր ցուցանիշի կշռված գնահատականը դրա կատարման աստիճանի և կշռված միավորի արտադրյալն է:

Վերջնական գնահատականը գնահատված ցուցանիշների հանրագումարն է: Ըստ վերջնական գնահատականի՝ կազմակերպությունը կարող է իր տեղը գտնել հետևյալ սանդղակի համապատասխան հորիզոնականում՝

Գերազանց	[90%-100%]
Շատ լավ	[80%-90%[
Լավ	[70%-80%[
Բավարար	[60%-70%[
Թույլ բավարար	[50%-60%[
Անբավարար	<50%

### Սքորքարդի կիրառման կարգը

**Գնահատման նպատակը.** կիրառման սկզբնական փուլում Սքորքարդն անհրաժեշտ է դիտարկել ոչ թե որպես վերահսկողության գործիք, այլ որպես կազմակերպությունների շարունակական զարգացման և կառավարման որակի բարելավման գործիք: Հետևաբար, գնահատման նպատակն է աջակցել կազմակերպություններին բարելավել կորպորատիվ կառավարման իրենց գործելաոճը:

**Գնահատման ծածկույթը.** հաշվի առնելով, որ որպես հենանիշ օգտագործվել է Կանոնագիրքը, Սքորքարդը կարող է կիրառելի լինել ցուցակված ընկերությունների, Կանոնագրքին կամավոր միացած ընկերությունների, ինչպես նաև առաջնահերթ ՊՄԸ-ների համար:

**Գնահատման պարբերականությունը.** Սքորքարդով գնահատումը միանգամյա ակցիա չէ: Այն պետք է ունենա որոշակի պարբերականություն: Պարբերական գնահատումները թույլ են տալիս հետևել կորպորատիվ կառավարման գործելաոճի ինչպես դրական, այնպես էլ բացասական փոփոխություններին: Գնահատումը կարելի է անցկացնել տարին կամ երկու տարին մեկ անգամ:

**Գնահատման եղանակը.** հնարավոր եղանակներն են ինքնագնահատումը, արտաքին աջակցությամբ կամ խորհրդատվությամբ ինքնագնահատումը, արտաքին գնահատումը:

**Գնահատման տվյալների աղբյուրները.** հարցն էական նշանակություն ունի արտաքին գնահատման ժամանակ, երբ գնահատողը կարող է հասանելիություն չունենալ կազմակերպության մասին տեղեկատվությանը: Գնահատման համար տեղեկատվության աղբյուր կարող են դիտարկվել կազմակերպության տարեկան հաշվետվությունները, համացանցային էջում և հրապարակային այլ աղբյուրներում բացահայտվող տեղեկատվությունը: Չի բացառվում անհրաժեշտ տեղեկատվության հավաքագրումը՝ գնահատվող կազմակերպությանը կորպորատիվ կառավարման պրակտիկայի վերաբերյալ հարցաթերթ հասցեագրելով:

**Կազմակերպությունների մասնակցությունը գնահատմանը.** մասնակցությունը կարող է լինել կամավոր՝ **1.** պայմանագրային հիմունքներով, **2.** հանրային վերահսկման շրջանակներում, **3.** պարտադիր՝ առանձին խումբ կազմակերպությունների համար:

**Գնահատման զեկույցի (Ջեկույց) ձևաչափը.** Ջեկույցը կարող է լինել անհատական, համախմբված, այդ թվում՝ համեմատական: Սքորքարդի սկզբնական կիրառման ժամանակահատվածում նպատակահարմար է, որ Ջեկույցը լինի անհատական:

**Գնահատման զեկույցի ներկայացումը.** Ջեկույցը կարող է հասցեագրվել միայն կազմակերպությանը, կարգավորող մարմիններին, հանրությանը: Սքորքարդի սկզբնական կիրառման ժամանակահատվածում Ջեկույցը նպատակահարմար է բացահայտել միայն կազմակերպությանը:

## Օգտագործված գրականության ցանկ

---

1. IFC. Corporate Governance Codes and Scorecards. 2011.
2. IFC. Corporate Governance Knowledge Tool. [Corporate Governance Scorecards](#). 2014.